



Հանգիս Կիւրեղ վարդապետի Կիւրեղեան.

Տարւոյս հոկտեմբերի 9-ին վախճանուեց Մայր  
Աթոռոյս միաբան Կիւրեղ վարդապետ Կիւրեղեանը  
49 տարեկան հասակում:

Հանգուցեալը ծնուել է Վաղարշապատում, ու  
աել Մայր Աթոռիս Ժառանգաւորաց դպրոցում: 1885  
թուին յունիսի 10-ին մտել է հոգեոր կոչւան մէջ  
իրրե Ա. Էջմիածնի միաբան, ձեռնադրուել է 1886  
թուին նոյեմբերի 29 սարկաւագ, 1890 թուին՝ ապ-  
րիլի 16-ին աքեղայ, և 1894 թուի ապրիլի 6-ին  
ստացել է վարդապետական կոչումն:

Պաշտօնավարել է նոր—Բայազէտում՝ որպէս գոր-  
ծակալ ամբողջ գաւառի, վարել է առաջնորդական  
փոխանորդի պաշտօններ Ախալցխայում, Կարսում  
Ալբասանդրապում, և երկու անգամ՝ Հին Նախի-  
ջևանում:

Մայր Աթոռում վարել է ձեմարանի տնտեսի  
և Վանական Կառավարութեան անդամի պաշտօնները:  
Եղել է վանահայր Հառիճի և Երնջակայ վանքերում:  
Իւր ծառայութիւնների համար վարձատրուել է  
ծաղկեայ փիլոնով և վարդապետական ականակուռ  
լանջախաչով:

Իւր բոլոր պաշտօնավայրերում՝ յարգուած էր  
նա որպէս հիւրասէր, հասարակական խնդիրներով  
հետաքրքրուող և պարտաճանաչ հոգեորական:

Հանգուցեալ Կիւրեղ վարդապետ Կիւրեղեանի  
մահը տեղի ունեցաւ Հին Նախիջևանում, ուր երկրորդ  
անգամ ժողովրդի ընտրութեամբ վարում էր փո-

Հանգուցի պաշտօն:

Հանգուցեալի մարմինը՝ ամփոփուեց Նախիջեանի Ա. Երրորդութիւն եկեղեցու բակում, վայելուչ յուղարկաւորաւթեամբ, որին հանդիսադիր լինելու համար Վեհափառ Հայրապետը բարեհաճեց ուղարկել Մայր Աթոռիս Լուսարաբապետ Տ. Ղեոնդ եպիսկոպոսին:

Կիւրեղ վարդապետի մահը դգալի կորուստ է Մայր Աթոռիս համար:

«Բիւղանդիոնում» կարդում ենք, որ Կեսարիոյ Ա. Դանիէլ վանքի վանահայր Ստեփան եպիսկոպոս Սանդալծեան վախճանուել է հոկտեմբեր ամսում:

Հանգուցեալ Ստեփաննոս եպիսկոպոսը, ծընուել է 1837 թ., Տ. Գէորգ Դ. կաթուղիկոսի ձեռնասունն էր և նրա հետ Բուրսայից եկաւ Մայր Աթոռս 1867 թ.:

1868 թ. եպիսկոպոս ձեռնադրուեց. Հեռացաւ Մայր Աթոռից 70-ական թուականների սկզբին, կարծամանակեայ փոթորկալից կեանքից յետոյ, մեկուսացաւ Երուսաղէմի Ա. Յակովրեանց վանքը. Տ. Գէորգ Դ. կաթուղիկոսի ներողութեան արժանանալով՝ կարգուեց Թումարզայի Ա. Դանիէլ վանքի վանահայր ուր և կնքեց իւր մահկանացուն 73 տարեկան հասակում:

Հանգուցեալ Ստեփաննոս եպիսկոպոսը դաստիարակուած լինելով Տ. Գէորգ Դ. կաթուղիկոսի ձեռքի տակ՝ եկեղեցական կարգերի և երգեցողութեան մեծ հմտութիւն ունէր.

Լուսաւորեսցէ Տէր զհոգիս հանգուցելոցն և ի լոյս Երեսաց իւրոց հանգուսցէ: Ամէն: